

Dumonda Maissen concernent il futur da fusiuns da vischnancas e da vischnancas fusiunadas

En la sessiun da december 2018 ha la regenza suttemess al cussegl grond il rapport davart las structuras communalas per laschar prender enconuschientscha (missiva da la regenza al cussegl grond, carnet nr. 8/2018-2019, 11. Rapport davart las structuras communalas). Il rapport è ina inventarisaziun da la refurma da vischnancas e dal territori. La direcziun da questa refurma era vegnida concludida dal cussegl grond a chaschun da la sessiun da favrer 2011. La finamira dal cussegl grond è quella da reducir il dumber da vischnancas fin l'onn 2020 a 50 fin 100 ed a lunga vista a main che 50 vischnancas fermas ed autonomas.

Il rapport accentuescha pliras giadas che las vischnancas fusiunadas na sajan betg mo pli grondas, mabain – grazia a las fusiuns – er pli fermas e pli autonomas. Quai resulta per l'ina da la reducziun da la collavuraziun intercomunala. La consequenza logica fiss dentant er ch'il surpli d'autonomia e d'atgna responsabladad sa mussass en furma d'ina restituziun d'incumbensas e da cumpetenzas ch'èn vegnidas surpigliadas ils ultims decennis dal chantun. Quai vegn er menziunà en la missiva da l'onn 2010 (p. 636).

En il rapport ed en la missiva davart la refurma da vischnancas e dal territori che la regenza ha suttemess l'onn 2010/11 al cussegl grond, preschenta in chapitel ultra da quai detagliadamain las consequenzas da las fusiuns da vischnancas per il chantun. Er qua fissi necessari da far ina inventarisaziun resp. da chapir eventualas consequenzas.

En quest connex vegnan tschentadas las suandantas dumondas a la regenza:

1. Co giuditgescha la regenza la strategia concludida dal cussegl grond l'onn 2011 en vista a l'ultim svilup? Dovri eventualmain in'adattaziun da la strategia, novs impuls tematics u auters instruments finanziaals?
2. Tge incumbensas ha il chantun centralisà ils ultims onns malgrà il rinforzament da las vischnancas? Tge incumbensas e cumpetenzas (betg mo la finanziaziun) ha el delegà da nov a las vischnancas resp. vegn el a pudair delegar en l'avegnir a las vischnancas grazia a lur rinforzament?
3. Quant gronds èn ils respargns da lavur da vart dal chantun per cussegliaziun, regulaziun e surveglianza, tras quai ch'il dumber da vischnancas è sa reduci? En tge secturs senta il chantun avantatgs strategics sco consequenza da las novas structuras?

Cuira, ils 12 da favrer 2019

Maissen, Lamprecht, Kasper, Alig, Atanes, Berther, Berweger, Bigliel, Brunold, Cahenzli-Philipp, Caluori, Cantieni, Casutt-Derungs, Caviezel (Cuira), Cramer, Danuser, Degiacomi, Della Cà, Deplazes (Cuira), Deplazes (Rabius), Derungs, Dürler, Ellemunter, Engler, Epp, Fasani, Flütsch, Föhn, Gasser, Geisseler, Giacomelli, Hartmann-Conrad, Jenny, Kienz, Kohler, Kunfermann, Locher Benguerel, Märchy-Caduff, Michael (Donat), Mittner, Müller (Susch), Noi-Togni, Paterlini, Preisig, Rettich, Ruckstuhl, Sax, Schmid, Schneider, Thomann-Frank, Waidacher, Widmer-Spreiter (Cuira), Zanetti (Sent), Zanetti (Landquart), Buchli (Tenna), Collenberg, Holliger, Lunghi